



般若波羅蜜多心經



唐三藏
譯

般若波羅蜜多心經

唐三藏

觀自在菩薩。行深般若波羅蜜多時。

照見五蘊皆空。度一切苦厄。

舍利子。色不異空。空不異色。

色即是空。空即是色。受想行識。

亦復如是。舍利子。是諸法空相。

不生不滅。不垢不淨。不增不減。

心經

唐三藏譯

【康熙字典綱上版】
康熙字典體傳承版列印

一

是故空中無色。無受想行識。

無眼耳鼻舌身意。無色聲香味觸法。

無眼界。乃至無意識界。

無無明。亦無無明盡。

乃至無老死。亦無老死盡。

無苦集滅道。無智亦無得。

以無所得故。

菩提薩埵。

依般若波羅蜜多故。

心無罣礙。

無罣礙故。

無有恐怖。

遠離顛倒夢想。究竟涅槃。

三世諸佛。依般若波羅蜜多故。

得阿耨多羅三藐三菩提。

心經

唐三藏譯

【康熙字典網上版】
康熙字典體傳承版列印

故知般若波羅蜜多。

是大神呪。是大明呪。

是無上呪。是無等等呪。

能除一切苦。真實不虛。

故說般若波羅蜜多呪。

即說呪曰。

揭諦揭諦。波羅揭諦。

波羅僧揭諦。菩提薩婆訶。